



28. marts 2011

Inatsisartut suleriaasianni § 37 naapertorlugu Naalakkersuisunut apeqqutit matumuuna imaattut saqqummiuppakka.

Naalakkersuisunut apeqqut:

- 1. Aasarmanna olie akitsussasoq KNI-ip pisortaanerata ilimasaarutigaa allaat liter-imut 1.00 kruunimik akitsussasoq, tamannalu tunngavigalugu Innaallagissap akia kilowatt-imut, aammalu erngup akia kubikmeter-imut akii qaffassasut takusin-naareerparput, taamatullu akitsuinerup kingorna qanoq atsigisunik akinik qaffaasoqassava?**
- 2. Aalisartut piniartullu olie akitsoqqippat sulii akiliisinnaanermut ilungersunarnerusumut inissittussaapput, aalisakkat akii ullumikkut taamak appasitsigisut akiliisinnaajunnaaratarsinnaanerata naatsorsuutigineqarsinnaalluni. Tamakku pillugit Naalakkersuisut qanoq eqqarsarpat aalisartunut piniartunullu ikiunnissamut olie-ip akikillisarinnisaanut tapiinissaminnut eqqarsarpat?**

(inatsisartunut ilaasortaq Hans Enoksen Siumut)

Tunngavilersuut:

Olie-ip akitsornissaa KNI-imiit ilimasaarutigineqarpoq aasarmannamut, allaat liter-imut 1.00 kruunimik qaffaanissaq eqqartorneqarluni, tamatumalu kingunerissavaa pinngitsoorani innaallagissap, aammalu imermik pilersuinermi akit qaffanissaat. Paaserusuppara akitsuinermi Nukissiorfiit innaallagissamut imermullu qanoq atsigisumik akinik qaffaaniarpat literimut 1.00 kruunimik akitsuinissaq naatsorsuutigalugu.

Nunaqarfinni Illoqarfinnilu isorliunerusuni innaallagissap akiata, aammalu imermik pilersuinerup akiata qaffannissaa inuuniarnikkut annertuumik eqquinerluttussaavoq, taamatullu aamma nioq-qutissat akiinut assartuinermit angallanermullu sunniuttussaavoq, tamakkulu eqqarsaatigalugit apererusuppakka Naalakkersuisut innaallagissap akiata qaffappallaannginnisaanut akikillisaammik tapiissumik immikkortitsinissamik pilersaaruteqarnerisut.

Kiisalu ilanngullugu aalisartut piniartullu eqqarsaatigalugit olie-ip akiata qaffannerisa kingunerissavaa ilaatigut inuuniarnikkut ilungersunartumik eqqorneqarnissaat. Tassami nalunngilarput massakkut aalisakkat akii imaak appasitsigaat massakkut aalisartut piniartullu akiliisinnaanermik killerluinnaani ingerlallutik.

Aalisariutini innuttat aamma soorunami aningaasarsisussaapput, taamatullu aamma aalisariutit aser-fallaatsaalinnisaannut immikkoortitsisussaapput, massakkullu aalisakkat akii appasingaarmata ilaatigut aalisartut inuttasaaruttarput, tassami ilaatigut akissarsiassa qarpiarnartik inuttaasartut aalisarsinnaannginnamik, aammalu aserfallatsaaliinissamut akissarulluinnartarlutik.

Aammalu nunaqarfippassuarni illoqarfiillu ilaanni ajuusaarnarlunnartumik Puisit ameersinnaajunnaarsitaanikuupput, sulii ilungersunarnerusumut aalisartut piniartullu inissittussaapput olie-ip akitsornerata kingorna ilaat akiliisinnaajunnaarsinnaanerata ilimanarsilluinnarluni.